



THE AIRE CENTRE
Advice on Individual Rights in Europe



Sedmi regionalni forum o vladavini prava za Jugoistočnu Evropu posvećen uticaju pandemije na ljudska prava

Poštovani predstavnici i predstavnice pravosudne zajednice,

Zadovoljstvo nam je pozvati Vas da pratite **Sedmi regionalni forum o vladavini prava za Jugoistočnu Evropu**.

Forum koji se održava 16. i 17. oktobra 2020. godine okupit će predstavnike Evropskog suda za ljudska prava, Vijeća Evrope i pravosudnih institucija iz sedam zemalja Jugoistočne Evrope. Zvanična tema ovogodišnjeg foruma je: ***Covid-19 i prava zaštićena Evropskom konvencijom o ljudskim pravima***.

Tokom pet sesija učesnici i učesnice će imati priliku razgovarati o pravima iz Evropske konvencije koja su pogođena pandemijom i mjerama koje su države poduzele odgovarajući na pandemiju, zatim zaštititi konvencijskih prava te situaciji na Zapadnom Balkanu.

Neke od tema o kojima će se govoriti su: pravo na slobodu i sigurnost, pravo na slobodu kretanja, privatni život, slobodu vjeroispovijesti, slobodu izražavanja i okupljanja, pravo na obrazovanje, imovinu i slobodne izbore. Na Forumu će se govoriti i o pravilnom funkcionisanju pravosuđa tokom pandemije te odstupanju od Konvencije u vanrednim situacijama.

Forum organizuju **AIRE centar Program za Zapadni Balkan** i **Civil Rights Defenders**, a podržali su ga **Vlada Ujedinjenog Kraljevstva, Vlada Kraljevine Švedske, Fondacija Konrad Adenauer** i **Ministarstvo vanjskih poslova Kraljevine Holandije**.

Tokom održavanja Forumu u Strazburu, predsjednici i sudije vrhovnih i ustavnih sudova iz sedam država Jugoistočne Evrope okupit će se u nacionalnim radnim centrima u glavnim gradovima: **Beogradu, Podgorici, Prištini, Sarajevu, Skoplju, Tirani i Zagrebu**. Oni će zajedno sa ombudsmanima, zastupnicima država pred sudom u Strazburu, predstavnicima pravosudnih centara, fakulteta, nevladinih organizacija i pravnim stručnjacima učestvovati u ovom događaju putem video linka.

Forum će pružiti priliku najvećim evropskim pravnim stručnjacima da govore o prijetnjama ljudskim pravima koje su se pojavile tokom pandemije te da daju rješenja za ove izazove.

Forum o vladavini prava za Jugoistočnoj Evropi jedan je od najvažnijih godišnjih događaja za predstavnike pravosuđa, pravnike i predstavnike nevladinih organizacija iz regiona. Cilj mu je da promoviše sprovođenje Evropske konvencije o ljudskim pravima na državnom nivou, podstakne regionalnu saradnju u kontinuiranom razvoju vladavine prava i ljudskih prava te da pruži pomoć u procesu integracije regiona u Evropsku uniju.



THE AIRE CENTRE
Advice on Individual Rights in Europe



annual regional
 **RULE OF
LAW FORUM**
for south east europe

[AIRE centar](#) je nevladina organizacija iz Londona koja se bavi unapređenjem znanja o evropskim pravnim standardima na polju ljudskih prava i pruža podršku žrtvama kršenja tih prava. [Civil Rights Defenders](#) je međunarodna organizacija koja se bavi zaštitom ljudskih prava te pruža podršku braniteljima i braniteljicama ljudskih prava.

Forum možete pratiti uživo, uz obezbijeđen prevod, nakon registracije na sljedećem linku:
<https://docs.google.com/forms/d/e/1FAIpQLSe4CwHcn7mTVIbY3tB9IArLBSwwCgJpoGK5zsjDGN3RzcodJg/viewform>

Više informacija o temama, učesnicima i učesnicama možete pronaći na web stranici
<https://www.rolplatform.org/vladavina-prava/>.

###